



Uunga siunnersuut: Utoqqalinersiaqarneq pillugu Inatsisartut inatsisaata aamma Siusinaartumik pensionisiat pillugit Inatsisartut inatsisaata allanngortinneqarnerat pillugu Inatsisartut inatsisaat.

(Isumaginninnermut Sulisoqarnermullu Naalakkersuisoq)

Siullermeernera

Utoqqalinersiaqarneq pillugu Inatsisartut inatsisaata aamma Siusinaartumik utoqqalinersiatut pisartakkat pillugit Inatsisartut inatsisaata allanngortinneqarnerat pillugu Inatsisartut inatsisissaannut siunnersuut Isumaginninnermut Sulisoqarnermullu Naalakkersuisu maannakkut saqqummiussaanut imatut Naleqqamit Oqaaseqaateqassaagut.

Siullermik oqaatigissavara oqaatsit atorneqartut utoqqalinersiat aammalu siusinaartumik utoqqalinersiat ippinnartoqartikkatsigit Naleqaamiit kaamattuutigaagut ataatsimiititaliamit nalilersorneqarnissaat.

Utoqqalinersiaqarneq pillugu aamma Siusinaartumik utoqqalinersiatut pisartakkat pillugit Inatsisartut inatsisaanni inatsisip oqaasertaasa allanngortinneqartut immikkoortut marluk uani siunnersuummi pineqarput.

Allannguutit utoqqaat pillugit Naleqqamiit qaqilerisarnitta siunnersuuteqartarnittalu uku allannguutit immikkoortuni marluusuni pineqarput.

Siussukkut utoqqalinersiaqarsinnaatitaaneq pineqarpoq aappaatullu pineqarluni utoqqalinersiarqarneq siusinaartumillu utoqqalinersiatut tiguneqartartut pillugit akigititanik naatsorsueriaaseq pineqarluni. Siunnersuuteqartarnitsinnilu 2018-imut 2021-mullu aningaasanut inatsimmi oqaasertaliussat pineqartut malillugit naleqqussarneqarlutik aaqqiiffiniarneqarlutik allannguutaapput Inatsisartuni taamanikkut amerlanerussuteqartut aallaavigalugit Inatsisip oqaasertaanut aaqqissuuneqartut taamaassillutik allannguutit marluullutik uani inatsisissami naleqqussarneqarlutik.



Isumaginninnermut Sulisoqarnermullu Naalackersuisup saqqummiussaa Naleqamiit isumaqatigilluinnarparput saqqummiussisormi oqarmat ”Innuttaasut sivisuumik timikkut tarnikkulluunniit oqimaatsumik suliaqarsimanertik pissutigalugu nungullarsimasut suli isumagineqaannarnissaat 2021-mut aningaasanut inatsit aqqutigalugu Inatsisartut kissaatigalugu oqaatigisimavaat. Tamanna ilumoorluinnaqqissaarpoq tamakkiisumillu Naleqqamiit tapersorsorparput

Tassanilu pineqartut ilagaat innuttaasut 65-inik ukioqalersimasunut, utoqqalinersiaqalernissamik qinnuteqarnissaannut nalinginnaasumik 67-inik ukioqarnissamat piumasaqaatip avaqqunnissaanut periarfissiisoqartoq, tassungalu tunngatillugu piumasaqaataasoq saqqummiunneqaqqittoq Naleqqamiit isumaqatiginngilluinnaqqissaarparput tassalu sivikinnerpaamik ukiuni 35-ni sulinerup kinguneranik timikkut tarnikkullu nungullarsimaneq pissutigalugu aatsaat periarfissaqarsinnaassasoq siusissumik utoqqalinersianik tunniussisoqarsinnaassasoq.

Taamatut aaqqiissutaasussani inatsisissami immikkoortumi marlunni una aappaattut saqqummiunneqartoq Naleqqamiit isumaqarpugut sukumiisumik ataatsimiititaliami nalilersortariaqartoq ilumorsinnaanngilarmi aatsaat ukiut 35-it suleqqaarsimassasoq qinnuteqartoq aatsaat akuerineqassappat.

Inuk maskiinaanngilaq regnearkiunngilaq kisitsisaannaanngilaq inuk nungullarsimasoq ukiut ima amerlatigisut suleqqaarnissaa piumasarineqarsinnaanngilaq ukiut 35-inut piumasaqaat peerneqartariaqartoq Naleqqamiit isumaqarpugut.

Assersuut Nuummi aqquinerissumi biilit ukiorpassuit atasinnaapput illoqarfinni mikinerusuni aqqusinigut sussaannigisut biilii nutaajugaluarunilluunniit ukiualunnguit asserortarput, taakku assigiinngitsumik nalilersorsinnaavarput, kisianni inuk taamatut maskiinatut ukiut qassit sulereersimanissaanik assingusumik nalilersorneqarsinnaanngilaq inunguna pisariaqartitsigaangami aatsaat qinnuteqartartoq. Taamaammatt Neriuppugut Naleqqamiit taanna ataatsimiititaliami eqqumaffigineqarluni peerneqarnissaa suliarissagaat.

Utoqqalinersiaqarneq pillugu Inatsisartut Inatsisaata taamatut killiffia aallaavigalugu inatsisartut inatsisaata naleqqussarlugu aqqiisunniisaanut siunnersuut imarisai ataatsimiititaliami nalilersorluarneqassasut innersuussutigaaqut. Taamatullu killiffeqarnermi oqaatsit



naleqqussarniarneqartut innersuussuteqarfigaagut aaqqiifiginissaat aammalu utoqqalinersiuteqarneq aaqqissuusseqinnikkut assigiinngitsorpassuartigut aaqqissuunneqalernerani una suliaq naleqqussaaviusoq naleqqussarneqarnera taamatut killiffia akuerigallarparput aaqqitassat innersuussarput aaqqinnissaa ilanngullugu innersuussutigalutigu.

Ilanngullugit utoqqanersiaqarneq pillugu naleqqussaanerit assigiinngitsut ukiumi nutaami ingerlaqqittussaapput, taamaammat utoqqarnut tunngasut assigiinngitsut aaqqissuussiffigineqartussaanerat qanimut suleqataaffigissavagut.

Taamatut Naleqqamiit oqaaseqarluta aappassaaniinnginnerani ataatsimiitaliami susassaqartumi oqaluuserilluarneqarnissaa innersuussutigaarput.